

Normas do Orzamento Participativo Transfronteirizo Amizade Cerveira – Tomiño 2018

PREÁMBULO

O Orzamento Participativo Transfronteirizo 2018 (OPT_18) integra o proxecto COOP-ACT - Axenda de Cooperación Transfronteiriza - Amizade Cerveira Tomiño, co-financiado polo programa Interreg V-A, que ten como principal obxectivo a procura dun desenvolvemento sustentable do territorio que repercute positivamente na mellora da calidade de vida e da cohesión social da poboación e baseado no reparto e a optimización dos equipamentos e servizos públicos de utilización colectiva, dos recursos humanos e económicos nun programa de cooperación enfocado ao futuro.

O OPT_18 é un mecanismo orientado á promoción da igualdade de oportunidades e ao reforzo da participación pública dos cidadáns transfronteirizos procurando solucións para problemas comúns.

Para que o desenvolvemento deste proceso sexa marcado pola transparencia e accesibilidade a todos e todas, foi creada unha Plataforma Online do OPT_18 (<http://participacerveiratomiño.eu>), na cal atópase dispoñible toda a información dende o comezo ata a execución dos proxectos vencedores.

Artigo 1º Ámbito Territorial

O Orzamento Participativo Transfronteirizo Amizade Cerveira Tomiño 2018 (OPT18) abrangue os concellos de Vila Nova de Cerveira e Tomiño

Artigo 2º Obxectivos

1. Incluir aos cidadáns na formulación de solucións comúns para a resolución de problemas;
2. Fomentar a igualdade de oportunidades entre todos e todas, dos dous países, como factor de mellora das condicións de vida e de cohesión social e económica, baseado en accións deseñadas, desenvolvidas e implementadas polos actores locais;
3. Promover a participación pública e a cidadanía transfronteiriza;

4. Profundizar e consolidar as relacións institucionais, o diálogo cos cidadáns e a sociedade civil organizada, con vista a unha maior calidade e aceptación das políticas públicas;
5. Adecuar as políticas públicas ás necesidades e expectativas das persoas, para mellorar a calidade de vida nos seus territorios;

Artigo 3º

Modelo de Participación

1. O OPT18 baséase nun modelo de participación de carácter deliberativo, segundo o cal os participantes poden presentar propostas e decidir os proxectos que consideren prioritarios, ata ao límite orzamentario estipulado para o proceso.

Artigo 4º

Compoñente Orzamentario

1. Ao OPT18 se lle atribúe unha contía máxima de 20.000,00€ para financiar os proxectos que os cidadáns elixan de acordo coas áreas prioritarias identificadas no artigo 18º.
2. A contía é dividida en partes iguais entre o Municipio de Vila Nova de Cerveira e o Concello de Tomiño.
3. A contía é dividida equitativamente polas tres áreas de intervención identificadas no artigo 17º, debendo seleccionar polo menos un proxecto por cada área;
4. Poderán ser proxectos con valores superiores ao referido no número anterior, dende que sexa garantida a selección de polo menos un proxecto por cada área de intervención.

Artigo 5º

Fases do OPT

O Proceso Participativo ten varias fases, enumeradas e descritas nos seguintes artigos do presente capítulo:

- a) Divulgación;
- b) Presentación de Propostas;
- c) Análise Técnica;
- d) Período de Reclamacións ou Recurso;
- e) Votación;

f) Presentación dos Resultados.

Artigo 6.º Calendarización

	Xuño	Xullo	Agosto	Setembro	Outubro	Novembro	Decembro
Divulgación	23/06					30/11	
Presentación de Propostas		15/07		30/09			
Análise Técnica					2 a 15/10		
Período de Reclamación/recurso					16 a 22/10		
Votación					23/10	30/11	
Presentación de resultados							4/12

Artigo 7º Divulgación

1. A divulgación do OPT farase a través da Plataforma Online do OPT, do Portal Amizade Cerveira-Tomiño, das redes sociais e dos medios de comunicación locais;
2. Realización de Workshops para promover a creación de asociacións e apoio á presentación de propostas.

Artigo 8º Presentación de Propostas

A presentación de propostas réxese polo artigo 16º, sendo despois validadas pola Comisión de Análise Técnica (CAT) e votadas polas persoas participantes rexistradas na plataforma.

Artigo 9º Análise Técnica

A Comisión de Análise Técnica (CAT) é constituída polos elementos nomeados pola Comisión de Xestión Estratéxica (CGE).

- a. Aurora Viães, rexedora da Câmara Municipal de Vila Nova de Cerveira;
- b. Cristina Martinez, concelleira do Concello de Tomiño;
- c. Elisabete P. de Santiago, técnica do Concello de Tomiño;
- d. Sónia Antunes, técnica do Municipio de Vila Nova de Cerveira.

Artigo 10º

Período de Reclamacións/Recurso

1. Despois da análise técnica, o Secretariado Técnico Amizade Cerveira-Tomiño fará pública a lista dos proxectos seleccionados e das propostas excluídas para que, no prazo de 5 días, as persoas interesadas poidan presentar os recursos que consideren oportunos.
2. A Reclamación/Recurso será analizada e, no prazo de 5 días, a CAT comprométese a publicar a decisión final.

Artigo 11º

Publicación da Lista Final

A lista final de propostas aprobadas será fixada na Plataforma Online do OPT e na Páxina Web Amizade Cerveira-Tomiño.

Artigo 12º

Votación

1. A votación das propostas finalistas será efectuada polos seguintes medios:
 - a) Plataforma Online do OPT.
 - b) Poden votar os cidadáns electores nos concellos de Vila Nova de Cerveira e Tomiño;
2. As propostas serán organizadas por área de intervención;
3. Cada persoa participante pode votar un proxecto por cada área de intervención;

Artigo 13º

Presentación dos Resultados

As propostas máis votadas serán presentadas publicamente na Plataforma Online do OPT e na Páxina Web Amizade Cerveira-Tomiño.

Artigo 14º

Participación

1. O proceso de OPG **Tomiño** é aberto á participación de persoas singulares ou colectivas, públicas ou privadas con domicilio social ou fiscal en Vila Nova de Cerveira ou Tomiño.

Artigo 15 º

Formas de Participación

As persoas interesadas poden participar:

- a) A través da asistencia aos workshops;
- b) A través da presentación de propostas vía internet na Plataforma Online do OPT;
- c) No momento da fase de recurso, relativa aos resultados presentados despois da fase de análise técnica;
- d) Na votación dos proxectos;
- e) Na avaliación do proceso do OPT facendo chegar ao Secretariado Técnico Amizade Cerveira-Tomiño as súas ideas e suxerencias;

Artigo 16º Presentación de Propostas

1. Poden presentar propostas os cidadáns que cumpran os requisitos dispostos no artigo 14º do presente Regulamento;
2. As propostas serán obrigatoriamente presentadas conxuntamente por polo menos un cidadán/entidade de cada concello.
3. As propostas someteranse exclusivamente á utilización do formulario dispoñible na Plataforma Online do OPT;
4. As propostas poden ir acompañadas por un vídeo promocional cunha duración máxima de 3 minutos.

Artigo 17º Elixibilidade das Propostas

1. Serán consideradas elixibles as propostas que reúnan as seguintes condicións:
 - a) Respectan o marco de competencias e atribucións da Câmara Municipal de Vila Nova de Cerveira e do Concello de Tomiño;
 - b) Sexan o suficientemente específicas, concretas e delimitadas no territorio transfronteirizo de Vila Nova de Cerveira e Tomiño;
 - c) Constitúan unha inversión de interese transfronteirizo;
 - d) Non superen os 12 meses de execución;
 - e) Respecten a compoñente orzamentaria referida no artigo n.º 4;

Artigo 18º

Limites por Áreas de Intervención

1. As propostas deben ser clasificadas por áreas de intervención, concretamente:
 - a) Educación e Cultura;
 - b) Deportes e Ocio;
 - c) Territorio e Medio Ambiente;

Artigo 19º Coordinación

A coordinación do OPT_18 está a cargo da CGE, constituído polo Presidente da Câmara Municipal de Vila Nova de Cerveira e pola Alcaldesa de Tomiño.

Artigo 20º Casos Omisos

As omisións ou dúbidas xurdidas na interpretación das presentes normas de participación serán resoltas puntualmente no ámbito da CGE.